

dois auoir en amassant les richesses & en vsant dicelles. Premièrement tu les
dois acquerre non mie ardamēt mais a loisir atrempeemēt & par mesure car
hōme qui est trop ardamēt dacquerre richesses sabandonne legierement a tous
vices et tous aultres maux. Et pource dit salomon. Qui trop se haste de soy
enrichir il ne sera pas innocent. Et dit aussi aultre part que la richesse bastiue
mēt venue bastiue mēt sen va mais celle q̄ est venue petit a petit se croit tous-
iours & se multiplie. Apres tu dois acquerre les richesses par ton sens & p̄ ton
travail a ton prouffit & sans dōmaige daultroy. Car la loy dit que nul ne se fa-
ce riche cest assauoir que droit de nature deffent que nul ne se face riche au dō-
mage daultroy. Et tules dit que ne douleur ne paour ne mort ne aultre chose
qui puisse auenir a hōme nest tāt contre nature cōme acroistre son prouffit a
laultroy dōmage. Et cassidore dit que vouloir acroistre sa richesse de ce petit q̄
le pouure mēdiat ha sourmonte toute cruaulte. Et affin que tu les puisses ac-
querre plus loyaument tu ne dois pas estre oyseux de faire ton prouffit mais
dois fuir toute oyseusetē. Car salomon dit que oyseusetē enseigne faire tous
maux. Et dit aultre part que celuy qui traucille & cultiue sa terre mengera de
pain mais celuy qui est oyseux cherra en pouurete & moura de faim. Celuy qui
est oyseux et periceux ne trouue nul temps conuenable a faire son prouffit car
selon ce que dit vng versifieur il se cause en yuer car y fait trop froit & en leste
car il fait trop chault. Pour ces causes dit cathon. Ueille souuēt & ne tabādō-
ne a trop dormir car le trop grāt repos nourrit les vices. Et pource dit saint
ieromme. Fays dist il tousiours aulcunes bonne oeuvres affin que lennemy te
trouue occupe en bonnes oeuvres. Apres des richesses que tu auras acquises
par ton sens & par tō travail et deuemēt tu dois vser en tel maniere que tu ne
soyes tenuis pour trop eschars ne pour fol large. Car aīsi cōme fait a blasmer
auarice aīsi fait a blasmer et reprēdre folle largesse. Et pource dit cathon. Use
dit il des richesses que tu auras acquises en tel maniere q̄ on ne tappelle pas
auar ne chaitif. Car il est grāt honte a hōme qui a le cueur pouure & la bourse
riche. Aussi dist il vse des biens que tu auras acquis sagement sans mesuser.
Car ceulx qui solement degastent ce quilz ont quant ilz nont plus rien ilz sa-
bandonnent legierement a prendre laultroy. Je dy doncques que tu dois fuir
auarice en vsant des richesses acquises en tel maniere que lon ne die pas que
tes richesses soyent enseueliez mais que tu les as en ta puissance. Car vng sa-
ge reprēt lomme auar et dit aīsi en deux vers. Pourquoi dit il homme qui est